

程

初蘭閣詩集卷之十

皖桐 夫人方孟式如耀著 弟方孔炤較

妹未亾人方維儀選 孫祁度重輯

七言律

萬曆丁亥年余太公為建寧守遣使千里合婚
迨天啟丁卯余隨夫子再任建南因入名宦

祭享感賦

先君事業載天涯鐘鼓朝昏似故家戶外棠梨陰自遠
庭前嘉樹葉重華杯臨白鶴祥烟直簾捲黃花秀色奢
此日衣冠崇俎豆仍看父老咏桑麻

寄會稽年家陸夫人

淑慎潯陽咫尺相思幾歲望停雲可憐似玉人難挹
空令如蘭香竊聞樛木各天欣抱子兼葭一水惜離群
梅裙托贈非無意欲借幽芬坐襲君

潛夫弟蔡姬余客長安代爲月老生女卽逝入

閩聞報清秋悼之

御溝秋水辜紅蕖忍見孤雛方一周挂瑟不堪頻掩鏡
夢環空自弔遺丘徘徊絕代人難立容易清時樂未休
嶺外西風猿嘯月萬山搖落總供愁

人白

淡淡和烟碧落紛官齋杯酒細論文佳筵共賞人如歲
朱箔斜瞻日欲曛忽轉鶯聲消暮雪漫飛香霧結春雲

東風怯見芳菲早髮染霜絲恰到君

寄赤城媪母

別離兩度月華寒遙憶空山薜荔殘秋調轉悲絃上急
霜花漸向鏡中看種瓜野蔓荒羊徑羅雀高軒靜豸冠
此日梧桐憐夜雨相思寥落碧闌干

富沙寄尹夫人任武昌

昔時舍北托高鄰春日重逢漢水濱柳葉叢中傾雪釀
桃花岼上接鮮鱗武夸秀色朝雲渺黃鶴風光夜月新
異地懷人傳鴈字階除卽見走麒麟

中秋十日夜失同心杯感懷

元夕燈前贈別卮秋風殘漏惜分離鴛鴦百歲于飛願

蟾魄終宵羽化思並蒂他鄉疑竊壁同心何處醉連枝
囊空翻恨留琴劍蕭瑟中庭月影虧

皆響亭閒居

噓枯老樹鬪春妍綠鬢生絲記少年燕語東窗愁覺去
人違南國恨還偏梅隨陽至堪消渴柳愛風和不奈眠
細雨清明容易到枝頭又見上啼鵲

又

經年病骨愁春盡隱几閑觀水木清暮燕撩人時自語
庭花就地欲無聲才慚白雪千人廢名附青雲百感生
卻笑書淫成老大淹留日月滯山城

又

世事浮雲黯綠裳枝頭紅紫鬪芬芳不堪繁蕊輕風落
可更冥鴻逐彈傷病起碧欄迷柳絮愁傾清沼煖鴛鴦
一番花信流香速寂寂春歸細斷腸

又

碧靄青天擁半輪瓊窗長見月痕新瓶中艷蕊能迎笑
鏡裡疎容漫效顰春柳如絲頻宿鳥秋風似織暗移人
淒涼一曲梅花調入耳簫聲隔院親

又

桃花片片隨人去還起東風弄態柔歲過蒲觴難住夏
霜侵紈扇早知秋陰晴未必如人願長短何須從卜謀
亭畔閑情裁錦字暗驚楓葉一江愁

又
年來萬事損精神千里馳驅一病身
茶沸雨前風味遠香浮月下露華新
舊山別我仍無恙好鳥依人且自親
斗酒良宵悲去水不堪松柏漸爲薪

又

兀然隱几意如癡蕙帳香銷病起遲
松下清風成鼓吹天邊新月學蛾眉
黃華翠擁朱樓曉白鶴烟沉綠浦疑
散步空亭爭入眼故園芳草費春思

燕剪

春風猶記到柴扉碎草開花生事微
剖月若分初破鏡裁雲似劈未成衣
穿簾難斷輕狂絮帶雨偏侵零落薇

來往空中如解恨年年不爲剪愁歸

作家書遣人歸

微雨侵簾淡翠幃江南樹色暗柴扉
高空嘹唳書初就秋浦潺湲信乍歸
銀燭殘更裁錦字金風落葉泣征衣
故人若問絃中意謾道支離伴月輝

寄閩中年家孫夫人

十年風雨憶京華極目空庭隔斷霞
贈我雙珠宛在案懷人一水仍無涯
黃華聊自看嘉樹烏石何緣數落花
別後相思盈萬種難將尺素載愁車

雁字

書向青天不可聞殘箋中斷忽離群
經霜點筆吟秋水

帶月敲砧散黑雲曉霧風翎聯錦字西江波影織迴紋
迢遙關外□笳怨譜出紅顏爲憶君

又

逗浦迷烟到漢濱秋風瀟灑倍傷春不從鏡裡憐閨客
只向天邊書遠人塗抹丹鉛星下亂淋漓墨點雨中新
疎疎淡菊東籬遠也學桃花去避秦

又

雨卷霞舒不自持書中錦字欲人知雲梭細織黃姑練
風剪裁成白雪詞孤影乍隨如點就單身倏近似邊歌
漫將老健驕秋日憔悴明年知是誰

寄祖母

膝下依依十九年迢遙關外隔雲烟迎風凉砌淒飛蝶
挂月枯枝冷噪蟬玉樹漸驚階下老霜花尚耐鏡中鮮
爆聲角枕催鄉思疑是江流亂遠天

濟南午日感賦

弱女西陵新月吐蒲觴載咏龍根脯藥檻光盈漢栢雲
冰絃聲滴秦松雨雄風拂地日悠悠吹送烽烟客况愁
故園佳壻應無恙邈若河山惹淚流

午日思鄉

蜩聲斷續獨欷歔趵突清泉恨有餘六逸堂前叢竹暗
百花臺畔石榴舒人憐異地歌蒲扇夢逐浮雲到艸廬
月學蛾眉隨客影含愁何處寄雙魚

生別

崎嶇揮袂太匆忙欲折梅花寄路傍
天畔斷魂驚雁字夢中幽恨怯羊腸
朱顏憔悴風塵色綠柳飄零粉絮狂
憶昔簫聲明月下烟波何地羨鴛鴦

死別

生前世路漫悠悠此日傷情釵委洲
漠漠孤魂憑月弔珊珊香骨若烟浮
杜鵑聲冷枝頭血湘水光寒竹淚流
悵望晴川留石壁萑蘿空向楚雲幽

老別

松枝搖曳晚風寒蘭玉凋殘朝露溥
流血歲成丹草木傷心日逝碧波瀾
窮途誰問衣裳薄末路猶驚鼙鼓擘

腸斷啼鳥山谷裡萋萋芳草一身難

少別

馳驅南北各天長風雨淒其阻異鄉
青鬢尚留成石恨紅塵誰借返魂香
參差荇蒂分鸞鏡顛倒羅襦罷髻粧
回首寒空烟霧靜翩翩黃鵠共翱翔

義別

旌旗睽日擁遊烽薄暮支離獨懊儂
旦旦誓難違比翼亭亭氣欲壓貞松
漬來磚血猶成碧化去心丹豈讓虹
淡夜不須啼舊恨北邙猶意有相逢

棄別

雄風吹冷桂花裾蔽野烟塵隻影遽
馬上紅粧空洒淚

閨中錦字久無書身同敗葉行將墜命似浮漚任所如
回首淒其歌不淑低離空歎此生餘

鬼別

四野誰憐白骨麻那堪蕭屑暮雲遮花卿強項猶依水
倩女離魂豈識家夜夜青燐疑炤日滔滔丹血欲沉沙
惟憐粉黛埋幽徑盡日無人對落花

鋒別

芙蓉霜刃片時開身手生離動地哀蟣虱積骸埋未盡
烏鳶攫肉去還來刀瘢何異沙場苦矢鏃空憐戰馬回
唯問泉臺秋夜月不堪萬事總成灰

無家別

竹廬寂寞長蒿藜夜雨瀟瀟憶舊蹊徒望青山排石徑
已驚白骨委塵泥秦灰一炬無喬木趙竈千烟絕暮炊
井邑桑麻寥落盡相看惟有曉烏啼

無人別

楊柳多情拂翠樓長簷高下鳥啾啾金勒久無公子馬
青油誰駕玉人牛寒烟百里空山靜夜月千林小徑幽
城郭已非滄海變重來何處覓同遊

懷寄故妾

蕭條秋水躍雙魚寂寞柴門樂有餘花柳堪憐獨院雨
星霜不上七香車焚香靜覺冰絃冷拜月愁看梧葉疎
詩思良宵飛絮雪陶家風味竟何如

又

天涯歡聚倒金卮
画閣重重日影移
高士未能忘歲月
佳人輕自去羅幃
蘭心欲問鴛鴦帶
檀口猶歌薜荔枝
斷續相思雲外客
筵前金菊笑人癡

春日觀德府遊城

高臺百卉競芳芬
一望城頭綿繡紋
旗卷祥光龍耀日
山搖翠黛鳥衝雲
鳳鳴笛裡梅花落
馬踏樓前柳絮紛
泉湧齊州驚漱玉
恩波早已入春雯

春日載酒登臺感賦

黃鳥于飛憶故鄉
殷勤織柳妬流黃
江南芳樹春雲合
濟北輕風夜月涼
皖伯臺空揮鷓鴣
鶉凝香齋靜數鴛鴦

請纓此際看誰是
恤緯何心憂轉長

荅夫子

遙聞寇至客愁煩
極目中原拭涕痕
烽火烟同明月炤
叱讎聲共逝泉喧
天涯伏枕成虛度
故國驚心不忍言
安得熊羆應獵至
好將長劔報君恩

濟南聞賊至
滁州及桐城
兩地思二女
來鳳寄

金陵

傳聞窮寇泊江干
千里慈幃入膽寒
南望鍾山揮淚易
東流溜水賦歸難
釀泉春草醒成碧
皖國秋山血染丹
絃管薰風惜沈醉
可能佳會玉琅玕

荅方密之侄

遙聞故國急烽烟閨閣心旌空自懸
泰岱春雲時引淚長千明月憶愁眠
謝家兄弟矜雙壁烏巷衣冠羨世賢
驛使急傳千里信平安兩字尚依然

哭克儼侄

天外遙聞跨鶴飛松雲日夜黯春暉
途窮已覺多愁集
壑逝空憐萬事違鏡裏霜添慈母鬢
山中卉沒掌珠衣
歸來一片長空月猶自含情炤素闈

又

冠蓋家聲桃李蹊庭梧雛鳳一枝棲
玉樓賦就憐才盡
龍劍光埋識化齊逝水共驚蝴蝶夢
幽魂難禁子規啼
關山千里頻揮涕腸斷松陵日已西

涉園壘英石爲山

移自滇陽三千里層層檻外簇崔嵬
平泉醒酒春花合
莎柵貞心碣砥開洞裏輕籠明月影
樓前恍接紫雲堆
高吟自可無塵思臥對何須濟勝才

玉烟亭壘石爲山

怪石崢嶸紫霧新丹峰突兀玉烟春
嵌空恍欲留雲住
湧勢翻疑噴浪頻珍自袖中傳米芾
驅來海上笑嬴秦
一拳全擁衡廬勝丘壑還如對古人

內室前石榴樹生黃靈芝如盆大
登三層每清
晨起氣如烟

光燦黃金動落霞瑤階仙草映窗紗
九華曾入甘泉咏

一肉能滋晚鬢華
來向石家驕富貴
偶于簷下妬奇葩
今年春色朱門艷
羞向山中道士家

荷屋亭

東皋一望晚烟平
簫管遙聞花裏聲
蘭棹酒痕歌日落
鷗群葉底妬身輕
香風拂檻盈盈態
涼氣侵人冉冉情
最是柳堤青蔭遍
朦朧月色炤幽清

玩月臺

臺高百尺俯清泉
向夕登臨可摘蟾
雲散莫留前渚影
月來偏得主
人憐霓裳彩動七
歌夜桂子香生五
色烟
挹取清光入懷袖
長空秋色淨娟娟

博望樓因古樹穿其中

揮手星辰勢可揉
滾林風颯動清秋
婆娑瓦上千尋木
掩映堂前百尺樓
嵐氣夜飛投子雨
清光日見皖溪流
元龍未下當時傲
眺遠何妨作臥遊

澄清堂

雕闌曲曲石粼粼
影動朱簾散水濱
映壁霞光千嶂曉
遶城波氣萬家春
涵空湛湛看如練
流響悠悠欲問津
澄徹盡消人世累
冰心真可對秋旻

太乙舟

画舫輕移入翠濤
中流簫鼓倚雲璈
接天秋色斜侵纜
翻浪霞光亂湧舳
滄海從知渺一粟
世情空自笑三毫
桃源處處迷歸路
花外樓臺第幾皋

豫章秋日哭女十二首 有序

余長女名德茂字子玉歷十有四年執箕箒
於倪門得婿文學天弼卽太僕公之孫也生
二子四女相繼亾蘊結成疾久而未愈適值
亂民煽動挈家之蕪陰以弱植而罹多艱天
若扼之甫歸病復發卒于正寢計年僅二十
八子隨夫子之任洪都值女翁姑宦歸道經
南浦相對泣下蓋女性和柔善承順居恒琴
書棋画自娛玉映之姿體不勝衣克相夫子
相對如賓病中爲婿納媵飲之食之愛育倍
篤死及暮婿守旦旦誓不忍再娶益徵內德

之入人深也嗟余薄命一女不留何以永日
清秋初度感賦匪止悼亾亦以自悼云爾
無端錦瑟悵分絃黃鳥于飛宛自綿露落牡丹千頃淚
風留葛藟一枝妍絮花想像歸帆雪鴈字浮沉拂紙烟
月色不憐雲髻冷夜來還到鏡臺前

又

閒來默坐簡殘篇癯骨支離祇自憐秋月暗隨孤影度
春風不待二毛先遠山處處疑青黛流水年年咽翠鈿
寂寞蘭帷重瀉恨忍將心事問蒼天

又

蕭條杯酒奠清秋一滴何曾到玉樓南浦招魂雲已散

西山夜泣雨初收
愁來猶聽調砧砑
香盡無繇問斗牛
新月不知腸斷處
庭前斜挂曲如鈎

又

漏淡入夢語翩翩
執手闌干淚湧泉
春雨一枝寒綽約
秋風幾葉蔽嬋娟
瓊窗消盡梨花面
彩筆空餘月露妍
覓字頻翻青玉案
繞腸詩句有霞箋

又

百年恩愛暗成灰
冷却空房罷画梅
院鎖淡烟閒彩筆
堦殘細雨長青苔
花前錯喚胭脂語
月下遲疑環珮來
應是荒郊兒女共
泉臺秋夜可徘徊

又

步入蟾宮竟渺茫
閨思無夢賦高唐
漸驚芳艸添新鬼
空向羅幃問舊裳
春盡海棠閑翡翠
秋高荷芰冷鴛鴦
同心暗結餘車馬
斜日西陵松柏長

又

荏苒天涯忽到秋
長瞻歲月泪凝眸
萋萋草色王孫恨
活活江聲少女愁
此日披帷人已去
當年粲枕事空留
踟躕倚步看星斗
物換青商易白頭

又

姻親並淚落衣襟
南浦依依話別心
玉樹尚森臨砌萼
香闥先悵沒絃琴
一官小草空浮白
千里孤舟愴斷金
剪燭夜深人不醉
相憐霜雪鏡中侵

又
乘龍人對幾迴腸
咄咄書空日悼亡
剩有遺言猶在耳
徒餘血淚不成行
魂來銀漢驚烏鵲
夢去秦樓失鳳凰
躑躅枝頭螢火亂
朦朧月色映東牀

又

參差水荇望中平
池畔關雎息和鳴
若識衛郎還玉照
相將樂令自冰清
三冬攻苦空皮骨
永夜淒哀失性情
爲問青雲堂上客
琴書零落向誰評

又

五十三年事半休
兒殤女繼不勝愁
冰桃歲歲添新恨
雲鴈悠悠起昔憂
一拜一聲腸欲斷
三杯三祝淚滂流

堦除滿砌芝蘭秀
交浦孤魂何處遊

又

頻年烽火炤孤城
蓬首奔馳一死輕
冢隔楚天憐燕雀
身留江國怯鯢鯨
半生玉骨風塵色
永夜香魂松柏聲
惆悵鼓鼙愁日暮
反思泉下笑相迎

浮渡山居十樂詩

樂一

空山高臥近逃名
月魄籠烟散曙更
醒鳥出林留語密
疎鐘到枕覺神清
久知蕉鹿封塵夢
惟愛柴桑遁物情
幽篔涼生天似水
陶陶且自樂平生

樂二

四望清虛景色移朝霞耿耿上林枝水光環碧清堪掬
山色新晴黛欲迷散髮徜徉聊寄傲揆腸啜茗竟忘疲
小齋獨步舒長嘯靜裏端倪舉似誰

樂三

庭除香篆裊春風世德瞻依拜祝同閒話桑麻欣客至
厭聞朝市借言封應門童子扶鳩杖遺世知交坐桂叢
禮法豈爲吾輩設相逢何必較疎慵

樂四

床頭濁酒羨鴟夷吏隱溪山草木知敢謂荀廚無食譜
自甘麥飯老支頤樽前五合傾家釀樹下三朋誦逸詩
爾汝忘形真快事夜涼乘興臥花期

樂五

疎雲散漫月生華幾度東風景色嘉別有洞天開日月
紛吾松竹領煙霞誰言敗興難醫俗耐可怡情自種花
偃仰山林無一事塵容碌碌笑涎蝸

樂六

環山如黛擁千峰勝具時携眺望同平野蘼蕪芳草合
長川葭葦碧流通入林把臂歡相得倚樹科頭趣轉濃
笑指晚煙荒路永崎嶇遮莫倩歸筇

樂七

一船容膝泛湖汀短棹微風界白萍雨後漲添新水綠
波前光射遠山青鑑湖已向君王乞濁酒難分主客醒

歸興漸忘陶永夕忽看星月下空庭

樂八

空山丘壑置吾身聖世能容草莽臣萬卷豈殊南面貴
一經時向北窗親久疎冠蓋詢京草獨掩柴荆對古人
鳥雀晝閒人事寂羲皇旦暮自爲鄰

樂九

幽齋竟日絕淫哇天籟偶于樂事奢漁篴雲璈招舞鶴
樵音鼓吹勝鳴蛙枕流已作煙霞僻掃徑長憐竹樹嘉
雙耳厭聞人世事吹笙真欲接仙家

樂十

離群靜領山居趣日對衡門可樂餘數點雨聲成細響

千林雪片散幽姿尋梅屐踏溪山暮愛柳藤穿塘坳遲
風景隨時增勝槩野人幽事兩相宜

玉煙亭石榴二樹生連理

杜鵑啼盡落花深丹萼高枝自古今交幹豈須爭艷色
七重仍自結同心翩翩叢葢燦朝露燁燁聯房動夕陰
海外妖嬈安石國移來亭畔入詞林

玉煙亭

清風習習暮霞沉聳壑巉巖怡素心間裡吟詩幽洞小
秋來對酒景雲淡蕭蕭檻外含霜葉歷歷花前響暮砧
坐愛流泉咽危石向人猶似寫瑤琴

思鄉

頻年窮寇蠱家鄉春草芊芊半畝荒戰後樓臺成糞壤
兵餘鵝鷺絕膏梁千軍氣奪長驅勢雙劍寒銷永夜光
月上城頭刁斗急愁聞白骨泣斜陽

紉蘭閣詩集卷之十一

皖桐

夫人方孟式如耀著
妹未亾人方維儀選

弟方孔炤較閱

孫祁度重輯

五言排律

夏日避暑

炎熏神自困兀兀宛情癡石鼎茶烟裊松床薜帶垂熱
將葵扇解香借藕風吹雀噪花深處魚潛水隈瀾枝枝
覆金井樹樹欹清池日月非無事乾坤若有私竹陰閒
灑酒草閣靜彈棋素志煙霞負新愁老大悲螢流豐草
近露下碧筒遲蝶粉撩人眼砧聲亂瑟絲閨情徒徒倚
客意欲何之結夏如年日歸思繫幾時

盆魚

濯水憐三寸盆中意自殊
丹鱗矜破浪赤尾解啣珠
沉藻藏身靜浮花鼓鬣需微生
寄一葉幽夢化長鬚風雨
江湖志春秋日月驅可能傳尺素
令我坐踟躕

秋夜林

林深長寂寂夜永漏迢迢
月透玲瓏砌花舒宛轉嬌啣
杯浮竹葉得句點芭蕉池瀉芙蓉
面風輕楊柳腰流星
喧蟋蟀零露濕鮫綃銀漢翔鴻
馬煙霞隱玉簫清閒自
今夕風雨妬明朝萬木紛飛意
相思到六橋

東臯種蓮

春水瀟流漸輕風透薄帷
愛蓮聞自昔清賞是吾師
覓

得如船藕含芳滋綠池
以茲清淨性掩映雪冰姿
初葉看錢小新香惜步遲
同心分日影並蒂立波潛
出水娟娟靜迎風面面宜
比德懷君子集衣吟楚詞
盪漾明珠顆空寄白雲思

東臯長堤種柳

春日登高閣團團翠帶如水
漸流玉出山黛入青餘堦
前飛絮雪原上集鷓鴣一彎
睂競曲百態舞偏殊長條
纖手折弱緒寸腸舒嫋嫋
風流足翩翩烟籠踈柔情堪
贈別密意結相於浮雲任來去
依依十二渠

暑中述懷

倏忽秋光老風塵不可知
花前除舊日鏡裏得新絲
藥

品囊題久茶烟鶴避遲支離宛似昔寂寞竟何之雞肋
朝朝散羊腸處處炊白雲看縹緲紅粉落胭脂面目隨
春換詩魂逐路馳情知不善病愛覺引離悲蒼狗風雲
變青蠅天地危赤心長捧日雙意有虹知

題柳

遙望若傾城風流逐隊爭小蠻嬌舞態京兆遠山情淺
黛愁難約離樽怨易生樓烟眠道路帶雨泣殘更摧折
無時厭蕭條獨客驚何如彭澤里長得四時清

古槐

有引

濟南署中庭前古槐一株言唐朝所植枯樹
生枝復茂

聞自唐朝植還思南省森那知守宮木能作絲竹音聽
事戈何忍銘堂德自濶屯雲猶作雨入夢仍堪尋好鳥
時向坐清蟬足苦吟如規陰欲遍改火候將臨颯颯風
聲暮悽然入客心

紉蘭閣詩集卷之十二

皖桐 夫人方孟式如耀著 弟方孔炤較閱
妹未亾人方維儀選 孫祁度重輯

五言絕句

長門怨

葉落空堦靜
花開對曉鶯
相思明月影
獨坐數殘更
杏花

胭脂泣雨絲
嫩綠淺紅枝
香噴桃花後
梁間雙燕時
美人分香

坐久芝蘭味
含嬌露冶情
鴛鴦頻解帶
馨色有餘清
賞花

春風不住花莫惜錢沽酒舞袖如飛蝶問歡歡許否
雨中惜花

小院春光好閒看宿雨過最憐枝上色偏帶淚痕多
湘妃怨

湘江一色秋竹翠滿江流明月長如此蛾眉千古愁
鸚鵡

翠質能傳語朱唇色色竒君恩秋水薄長閉玉人姿
庭草

春添百媚新秋逐濃霜老倏忽寸陰暉榮枯何太早
憶佳人

春至妬芳芬秋過落雁紛嘗時萬行淚爲憶楚臺雲

長安別何姑夫人還里二首

姑嫜聞子來應問宦遊事但爲報平安勿言別來意
歲暮急南征征衣幸勿薄骨肉各殊方風霜難遠度
舞女

長安別吳太夫人還南

蝶遠繁花急風狂亂絮飛綺筵侵燭焰一種可療饑
比舍無多路頻看使者來寒暄相慰問骨肉好無猜
西樓

臨樓縱目長秋雁向南翔烟雨迷歸路依稀見故鄉

清源署中寄孀妹

姊妹分南北風塵老顏色懸情一水遙泣向天邊月

蘭閨甘寂寞空門消幻情可憐冰玉質年少悟無生

秋怨

長信驚秋老年年不見花昭陽月滿樹不肯照窗紗

昭武紀事

獨坐幽窗下寒燈伴隻身離人纔兩日蓬鬢已生塵

看花

幾度看花好相看能幾時愁多看不盡空負幾年期

槐花

暝色上鴉黃望中金燦光蟬鳴殘照裏點綴羅衣裳

賦別佳人

溪流到處分腸斷不堪聞月落嫦娥靜空餘巫峽雲

海棠

嬌艷怯春寒秋香不奈看可憐長似睡斜拂画欄杆

蘆葦

一望渺如烟開花不記年茫茫江漢上時泊釣魚船

小松

嫩刺草中秀濃霜獨出茗暫時青眼看他日逼雲霄

哭葉妣二首

廿載風塵客頻勞寄好音歸來歡幾日痛殺沒絃琴
兒女牽我衣號呼灑血淚忍作猶子看負君生死義

山花

嫩藥嬌桃杏成溪繡作堆相思無可摘樵子滿頭歸

殘月

歛眸愁獨映匣中比破鏡
菖蒲妬落花嫦娥隻影淨

涉園亭成五首

晉書猶未讀那得幾亭名
但知依水竹聊借白雲橫
結構小橋邊鶯歌柳欲眠
往來魚負藻時有竹籠煙
百卉競芬芳煙濃淺淡粧
看花俱眼亂蜂蝶逐人忙
古木傍城陰幽然淡素心
已知明月上疑是白雲淡
相對醉金甌荷香滿院浮
珠簾隔不斷吹上遠心樓

闌画

我有半幅綾美人倚桃柳
春風何處來秋日尚獨守

蕤香

我有沉水香篆烟意更長
千縷浮錦帳宛結雙鴛鴦

擲管

我有霜兔毫乃自瀟湘
得堪釋北窗愁風雨淋漓墨

圍棋

我有雲南子爭勝誰肯降
興闌空一局勝負總難雙

覽鏡

我有一片銅不令紅塵黯
相對寸心清何事容光減

惜花

我有曲檻花能解春風
醉長恐蜂蝶欺又待濃霜至

雨中觀火樹四首

燈華偏雨妬若個可人憐
遮却春光半無緣見月圓

繁枝不再來玉漏莫頻催錦焰寒烟靜層層冒雨開
蘭芳不自持柳葉效顰眉幽恨憑誰瀉梨花帶雨時
百丈漫空颺凋殘寶炬光良宵惜沉醉風雨入愁腸

初八夜月

群卉朦朧白娟娟影未全水中疑鏡破天上引弓絃

對菊

移菊闌干下盈盈嬌碧盆東籬瀟灑意疑向美人言

秋感

秋風何時來又見秋風去歲歲爲秋悲秋悲不知處

田家詞六首

榆錢不濟饑柳絲難織絹木綿背上寒蕉葉作團扇

春草正萋萋田苗長蒺藜三時多雨露晴鳩莫亂啼
鶯織柳條新歌聲齊起春漏殘驚枕畔月下喚牛人
苦竹短籬西茅簷日欲低稚兒驅犢返柴柵上雛雞
炊薪燃稻稈剝棗換清醑池塘看乳鴨不夠稅新租
種瓜復種豆黍粟擬療饑瑟瑟西風至還愁身上衣

咏弓

欲挂天山靜新絃半月生寒空憐曲影漫向酒杯傾

閨意

故國流霞遠淡閨隻影寒難將湘水竹瀉恨賦齊紈

荷花始開

秋日初臨閣風來何處香鴛鴦翻露下乍見一枝長

刈麥歌四首

野秀籠烟媚苗清潤雨姿林淡稀過客學稼貴天時
天地風塵隔閒閒芳草心田塲牛解語籬竹犬知音
圓笠散如雲西林日又曛鎌聲桑柘裏鳥語促耕耘
樹樹皆酣色晴霞落日遲稚兒拾滯穗新婦解新炊

春怨

隻影淡烟籠杜鵑枝上紅梨花風雨後人在月明中

冬怨

迢遙翠岫重漠漠野雲風只有梅花靜相看雪後容

橘燈

枝底紛星火縣顆映月圓風來香滿院欲折怯籠燼

漢江謠四首

估舶隨浪輕蒼雲嶺外橫風波不可定切莫向前行
晴川錦繡地黃鶴萬家春十里荷香畔胡姬妬洛神
日月送愁心從郎去後淡年年秋露冷獨自展寒衾
江水自西來滔滔往東去借問幾時回郎心不知處

輦夫謠四首

長程索前驅夜行呼火急洋洋得意聲如雷震蟲螫
不畏霜雪寒不愁風雨濕但願吹沙塵埤塊作平隰
終朝百里奢奔波老且健消得幾青蚨足慰平生願
力役征難罷馳驅勞晝夜盡日何所營憔悴香車下

咏醉芙蓉

金風木末時薄暈醉胭脂秋色銀河老池邊夕鳥知
躑突泉

泉有葢珠圓寒星麗碧天空階鳴木葉爲恨隔雲煙
金線泉

蕩漾碧波瀾春風桃李枝錦魚三十六不爲寄離辭
杜康泉

甘泉遶舜雲幽氣足氤氳聊釋東風恨一卮懷杜君
朱公泉

爲愛五湖煙雲間雙鵠旋栢窗閒月影猶勝玩長川
白公泉

當日秋田澤清渠可濯髭名餘千載後禾黍或離離

舜泉

廟歷城南田清泉味更寒瀟瀟湘水竹時拂玉闌干

濯綏泉

纓濯取清泉新香夜夜燃素心滿寥濶塵淨月同圓

甘露泉

清泉盤谷口仙掌沆瀣分滴滴長甘飲遙空不可聞

孤孤泉

心事獨孤知清流紫翠竒籠葱含藥嶺多病恰相宜

湛露泉

湛露金華味清香齒頰涼平生空有恨相對兩茫茫

雩女泉

天上雙星降清泉噴玉時二妃如在望飲水却相宜
羅姑泉

遺跡渺烟蘿清秋幾度過變遷今古事何必歛雙蛾
孝感泉

慷慨孝心同甘泉冽井中何須覓瑞兔千古斷高風
玉環泉

勝景眺斜輝旋環遶翠微溫泉從此落彷彿見楊妃
南漱玉泉

瀑布掛雲間匡廬亦等閒空懷湘女恨堦下竹班班
北漱玉泉

芳澗飛瓊口逍遙漱玉時北窗流活活愁見濕花枝

南珍珠泉

遙憶明珠浦徒勞上月臺寒光疑碧落不辨異鄉來

北珍珠泉

白雲樓下水映日噴珠紅無覓耘鋤處朦朧月色中

南甘露泉

轟轟入雲烟涓涓井露泉夜深空際落流韻綠窗前

龍門泉

地煖桃花艷春淡漫入齊庭梧移曉日閑愛鳳凰棲

白龍泉

龍逐白雲飛猶餘綠漪淝異鄉心似水明月炤朱扉

黑虎泉

水府蒼蒼處石磻淡且空月明堪送客一嘯可生風
黑龍泉

萬頃澄潭碧流泉石洞幽一時雲霧墨夜雨灑瓊樓
鹿跑泉

聲似鹿呦呦潺湲日夜流玉泓開素練倒影入滄洲
芙蓉泉

翠削芙蓉面紅粧炤水幽任教霜雪裡不易舊時秋
雙桃泉

桃花流水曲冰壺浸紅玉劉郎能再來取次青春贖
柳絮泉

青青楊柳枝飛絮襲蘭帷石竇泉分色滔滔何處期

柳泉

柳絲發殘雪垂影入清冽揮手悵離亭柔條豈堪折

胡桃泉

遙憶武陵溪清泉共鳥啼誰能雲外至移種到浚閨

蒿苳泉

蒿苳入流泉浚閨不解愁萋萋芳草碧嘹唳雁橫秋

金沙泉

白龍泉畔水湫澗漾金沙遙望雲浚處紅蓮似落霞

白花泉

皎潔白花浮閒林幾度秋禪心空磻寂來往任輕鷗

灰池泉

吹來幾劫灰無復到蓬萊枕上泉聲漑翻嫌午漏催

登州泉

萬竹濯芳芬依依對此君雪堂澄徹處相伴入青雲

王氏溪亭泉

槐陰拂地來魚藻共徘徊溪水闌干曲蟬聲落日催

賢清泉

賢清名可掬文物玩璣珠一片平原月年年炤玉壺

東皋泉

萋萋春芳草漾漾碧波香萬頃寒光濯鶯梭織柳黃

散水泉

寶鑑方池灑縈回澗水浸幽光珠滿地間弄滌塵襟

明水泉

不見清泉碧遙憐紫氣多寒空霜色重相望隔銀河

皇華泉

遊子三千里濶閨二十年恩波堯日近使節耀齊川

無憂泉

噴玉漱清香夜來歸夢長涵虛沉返炤一勺洗枯腸

黃井泉

亭前一水清夜雨共潮生莫道無情物絃中更有聲

淺井泉

水澱不盈尺一掬生光澤香氣散晴空雲霞嫋青碧

石灣泉

石鼎烹茶寂鶴鳴且近人冷冷涵月影宛轉映金鱗
臥牛泉

不知牛臥地今日問牛時勝迹畱千載風塵到水涯
龍居泉

長與仙家戲昇龍巽脯餘潭心睡自穩猶勝橘中居
馬跑泉

喪馬知何在飛泉跡影清春風看浪湧得意觀蹄輕
魚池泉

遙望月痕新春淡躍錦鱗桃花浮作浪宛似避秦人
知魚池泉

噴沫爲甘雨圓珠共月明洋洋知極樂莊叟有深情

溫泉

春寒賜浴時溫玉恰相宜零落芙蓉面瀟瀟夜雨期

懸珠泉

顆顆明珠落鮫人夜泣時懸泉憐郡守清影更多奇

都泉

隱隱霧高枝中宮柳似眉餘恩入流水席潤早春時

漿水泉

瓊漿初入口搖蕩滿懷春欲識醍醐味何須灑葛巾

白泉

瓊瑤降雪泉宛轉玉山連盪曳雲深處遙看孤鶴還

南煮糠泉

流水若醍醐清溫沸地爐一盃能起疾何必醉屠蘇

北煮糠泉

糟粕味堪濡青泉湛玉壺春深能作賦何事襲當爐

望水泉

遙望渺悠悠長天一色秋石人堪堰水香稻百無憂

熨斗泉

欲熨睂間縐孤琴清素心溫泉幽可挹寫作意中吟

染池泉

揉拽柳條長清泉染素裳目迷輕五色偏怪泣絲黃

車泉

頻頻見繫車當道七香奢何似浚山曲轆轤飛錦霞

懸泉

五老觀泉日潜龍上碧天銀河雲際落百丈望中懸

灰泉

碌碌逐塵埃清泉化死灰源頭流不盡何處訪天台

混沙泉

沙堤迎宰相泉石到天涯清趣誰先覺亭前問落花

劉氏泉

劉伶沉醉日頻惜夕陽斜漱玉泉聲活殷勤似酒家

道士泉

種桃何處去歲歲遶天涯石上清流瀉飛來噴玉花

和潜夫第八詠

白鹿湖中蔚有八景一曰二龍出雲二曰南
浮春秀三曰東浦觀蓮四曰画船秋月五曰
花峰雪霽六曰石塘霞炤七曰螺灣漁唱八
曰青洞鄰鐘觸趣小吟用啟同志

翠岫籠霞縷清江蒸紫煙浮雲膚寸合瞬息接遙天
山如水上浮石與逸人幽逕卷波淡處輕舟花裏遊
晴湖十里濶明月一灣香盪漾波痕綠清芬影欲狂
画舫泛秋波時廢窈窕歌溶溶江月上蘇子得何多
飛花寒六曲結水嫋微瀨灑梅梢月閉門卮酒看
扁舟凝夕炤霞綺映羅襦碧落涵清影依稀紅袖扶
篷梢風信急笛響滄浪間兩岫丹楓靜在乎山水閒

潮梵隔巒幽清音花外流聞之發淡省禪意醉中求

紉蘭閣詩集卷之十三

皖桐 夫人方孟式如耀著 弟方孔炤較閱
妹未亾人方維儀選 孫祁度重輯

六言絕句

雜興

雨後移花種竹冬來掃雪烹茶倚闌輕揮團扇樓上遙
憐落霞

寫像

粧罷焚香清淨侍兒研墨烹茶閑人勿令輕入撩亂生
雲筆花

半幅齊紈劈破頻舒几上毫光大士先開睂眼淡烟輕

染雲裳

田家樂三首

松下柴扉靜僻籬邊竹逕清溪菜花蝴蝶一色野雀山
雞亂啼

恒耀恒舒日月多風多雨春秋開花落花寒露適去適
來白鷗

石上殘棋一局松間初試新茶春去不知節候門前楊
柳飛花

荷衣野興初覺岐路風波不知水綠山青自在素書掛
角忘疲

采藥白雲深處逍遙流水生涯尋梅不識歸路隔嶺鐘

催碧霞

舟中

蓬窗日高初起坐看長溪釣閑世態紅花白眼人情碧

水青山

漁家隔林沽酒滿目情驕薄雲漸入烟巒疊疊饒他涇
渭難分

秋意

夜來莫驚風雨吹落梧桐滿庭漫道白雲無意河邊遮
却雙星

初蘭閣詩集卷之十四

夫人方孟式如耀著 弟方孔炤較闕
皖桐 妹未亾人方維儀選 孫祁度重輯

七言絕句

鏡中美人

玉臺光灑獨含情
秋月長圓遠黛輕
桃李春風多少恨
那堪對面靜無聲

黃蜀葵

細腰香舄襲黃裳
卻向深閨鬪淡粧
麗日冶容君不見
丹心寂寂倚空墻

秋蟲

經秋早至雨中喧未夕何勞長短言豈是多情能伴客
怪他逐處斷人魂

賦得好得辛勤漫讀書二首

漫道書中有玉顏眼前負却黛彎彎榴花似火長如醉
無奈才人百不閒
棲鳥啞啞若談經初月流光灑錦屏夜半綠窗無影共
借他螢火伴殘星

理菊

帶月刪花香滿禕驚風潤水雨翻枝移來燈下長相對
肯令濃霜欺素姿

憶眠

春風芍藥淡烟籠雨卷雲淡到楚宮微汗胭脂生玉潤
海棠長似舊時紅

苔眠

閒來無事打黃鶯蝴蝶雙雙夢不成漫道楚王宮裏意
應憐目下有傾城

苔繡

坐見幽芳妬雪花無心拈繡數寒鴉宜男空縮鴛鴦帶
遙憶春風到浣紗

紅梅

佳人冷艷共天涯又見芳英吐月華鄉夢不回春色曉
樓頭楊柳憶陶家

題牧童吹笛圖

青山影裡夕陽斜
終日騎牛隔水涯
到處春風橫吹盡
如何四季落梅花

題水際看山圖

孤雲野客對山川
偏解青峰幾處烟
識得嵐巒千古意
泉聲竹裡度殘年

題淵明五柳圖

夕陽松裡看流泉
疎竹黃花不記年
杯酒也堪留日月
四時楊柳淡籠烟

題蘇李泣別圖

黃雲漠漠泣胡風
仗節呼羊意不窮
眼底故人憔悴盡

鴈行不到玉關東

題春令圖

老大長懷少小心
春來星聚百花深
離群疑是相呼喚
風雨蕭條落葉林

題烹茶圖

斜支石鼎藥欄東
芳草柴門半掩空
松上鶴飛驚卷霧
青烟一縷裊風中

題楊妃春睡圖

珠潤胭脂落翠簾
海棠沉醉玉闌干
春風不肯畱香夢
吹入漁陽花影殘

賦得糟糠不下堂三首

青雲上客伴寒梅
卒歲悠悠未擬回
枕上片時春夢合
綠楊如線曉鶯催

屈指恩情得幾秋
白雲出岫水東流
人間亦有縞衣婦
不上銀屏歌舞樓

十年風雨有誰知
默對山青水綠時
翠袖倚林雙鬢短
佳人自古惜蛾眉

入分水關

溪山古木無人語
瀑溜飛聲到處聞
裊裊朱旗穿綠樹
馬前翠岫起青雲

過分水嶺

峰歎太白鎖重雲
二水分聲天外聞
萬里煙霞今始見

我行步步入青雲

病中七夕

九夏支離擁故愁
天涯蕭瑟漫悠悠
庭前閒却金針巧
夜靜何繇看斗牛

寄姑母

漢水隨波到武夷
武夷山色遍爭奇
白雲無盡休重問
玉女峰前落日時

觀畫

淡閨盡日且閑閑
流水青山挂壁間
紙上青山無限意
不知何處覓青山

賦得貧賤親戚離三首

牆外誰家弄玉簫紫烟淡處柳條嬌多情芳艸萋萋綠
長向空堦伴寂寥
閒却銀鈎斜月痕榆錢滿地不開門交情漫道貧偏棄
更有桺花不肯言
秋水盈盈惜采蘋閒來不掃甌中塵可憐簷雀喧朝暮
度盡殘冬復度春

客思

青青艸色遍平蕪到處花飛鳥弄竿獨在天涯驚物候
故園鴻斷一書無

重感

髻縮綢繆已半生秋風梧葉鬢邊驚料君豈似潯江桺

到處隨風舞絮輕

哭叔父

退食從容旅署過彈棋酌鬯足清歌淒淒一代風流盡
回首東山涕淚多

詠妾

小星叶吉能懷月桃葉含芳解夢雲花桺春風驕畫錦
蘭堦五色鬪湘裙

蝨斯慶四首

憶昔于歸夫子獲事大姑十年之交風雨不
替今歲南歸晤言一室形影相弔悲玉樹之
先摧肝膽共傾願蘭夢之應兆語刺刺不能

休也茲昭武署中得家報如夫人慶始抱玉
而余姬亦幸育蘭天報善人可爲兩人賀矣
用贈短章是揚休美

十年風雨阻吳吟惆悵燈前瀉素襟誰道鳳毛占世瑞
憐君剖血引雛心

縞衣淡約茹辛酸舉案情親奕葉難覓得桃枝供侍史
綠牕佳事共郎看

閨秀爭傳今女身儂家宅相席芳塵羸他玉樹森森立
蘭蕙中庭占一人

病骨長年藥餌侵丹心百折種竒琛于今博得將雛曲
不負仙郎和鳳音

幼女庭戲

小星出也

驚看穉女與階齊細語初知學讓梨阿母丹心十載盡
今朝博得手中提

山庄晚步

天邊半落幾青峰平楚秋烟隔暮松曲曲溪流風動葉
相隨明月覓山蹤

吳妹從夫地下含淚弔之二首

雪膚空碎人間玉靈藥難回地下春不分脩文埋國士
空畱化石未亾身

竟追蟾魄月中遊天外飄香桂影浮但看楊花隨去水
等閒容易到溝頭

昭武寄殷師母

桃花落盡柳花初清暑蕭蕭宦况踈一硯不持心似水
可憐佳客食無魚

芝城寄女三首

莫問花開花落時幽芳不忿鬪濃枝晝長無事香銷篆
朝誦楞嚴暮誦詩
長思雙雀駕銀虹紅袖偏爭劫海中有想但看無想日
消沉恩愛付東風
庭前殘炤冷蒼苔宿雨梨花半欲墮四十餘年多少事
一生幽緒向誰裁

江上聽潮

乘春画舫一溪雲獨宿江舟待月明陡覺潮生驚夜語
南天寒葉盡飛聲

襄江怨

襄江襄水遶襄城片片襄雲白晝橫襄水只今流舊恨
襄雲未必解人情

懷弟去偶

玉樹一枝天外秀雲間雙翼閣中隨誰知暗折西風後
吹斷瓊花烏夜啼

除夕悼女

衰病明朝又一春天涯死別倍傷神寒江浩淼歸無日
寂寞尊前少一人

贈外三首

水月寒空掩榻螢几中無硯使人驚
干村野老歌堯力
陡覺清風耳後生
清院公餘逸興催
東南美箭羨君才
百篇詞賦飛雲霧
落紙揮毫不覆杯
千騎街頭擁璧人
車中擲果暗相親
烏紗粉面誇年少
玉樹臨風一段春

解嘲十詠

客有寓懷詠史解嘲十首依原題賡和更爲
客解嘲也
挽張翰秋思

遊子胡來渤海居
月將花影一床書
江南秋色知多少
何必相思只鱸魚

嗜公孫弘脫粟

從來開閣說平津
豈有賓筵薄故人
莫道萬錢無下箸
情淡脫粟亦堪珍

聽王戎籌

美李于今核尚畱
笑渠錢僻果難瘳
知君不問家人事
何必終宵聽唱籌

企淵明菊

秋光一夜滿東籬
處士高情太守知
假使菊花空在手
陶然可似上皇時

讓馮驩飲

携來長鋏不須彈
閔叔猶辭安邑肝
回首故鄉烟水濶
無魚且自勉加餐

艷夏侯簾

鄙渠玉饌醉金卮
一曲清歌簾自垂
正恐梁塵驚欲動
素衣容易化爲緇

惜賀知章金龜

莫羨知章騎馬時
恐妨終作井中泥
踈狂不識貂蟬重
傭酒猶解愛金龜

憎臨邛令重客

天涯去住意何窮
暫向朱門寄苦蹤
不上李斯書一紙

翻教重客憎臨邛

議平仲敝裘

平仲功名自足賢
試看舉國盡朝烟
三齊處處桑麻樂
敝盡狐裘不忍捐

嘲季長絳帳

篝燈寂寞擁青氊
子夜何妨坐艸玄
更是齋頭無白鳥
空教絳帳日高懸

暮春搜遺悼女五十首

十四年來繞膝謹
鍾情時作掌珠看
豈知亭畔畱吟絮
倚檻梅花耐歲寒

自將竹筍出蘭帷
日夕孤懷祇獨知
四牡馳驅勞寤寐

那堪弱息數歸期

憶汝嬌容月滿樓
芙蓉香湛水中幽
巫山此日雲飛盡
頻向淡閨夢裏求

寂寂空堦細雨霏
愁人無語月無輝
東風不肯畱春住
花落重門靜掩扉

生不相依死作塵
無端風雨妬芳春
空餘翠鈿消鸞匣
兩度花開不見人

杜宇年年叫月殘
啼痕終日濕闌干
可憐画圃移山水
繡就裙拖寄我看

春色無情寂錦絃
徒憐枝上色娟娟
傷心只有梁間燕
乳出新雛去復旋

金針添線淚如泉
細柳絲柔腸斷天
遺得繡球花襖在
不堪長對曉窗前

抱玉傳來正月圓
相將蘭蕊共爭妍
誰知一夕秋風後
轉向羅幃泣斷絃

薄薄羅衫染杜鵑
青青艸色蔽嬋娟
如何子母同歸日
不住人間住九泉

母子依依有七人
泉臺夜語可相親
仍憐白髮空催老
日向人間訴不平

慟兒相隔幾重烟
孤客西江夜未眠
此夕山中寒食雨
白雲流水尚依然

蝴蝶紛飛滴酒觴
清明細雨泣斜陽
歸來寂寞偏增恨

月炤空梁儼未亾

蕭然孤影苦無依故國那能夢蝶歸遙憶西陵松柏冷
孤魂何處泣斜暉

南浦迢迢佳壻來相憐咏絮軼群才新絃無意調琴瑟
一片愁心化作灰

天涯佳節淚成行鳳管蕭條怨玉郎畫舫依稀殘月影
誰來波上數鴛鴦

自從結髮伴殘更歲歲伊唔侍短檠十四年間風雨夜
窗雞鳴似讀書聲

解佩畱賓燈火親黃金用盡不生嗔如今羸博歸重壤
白壁何繇贖女身

垂陰樛木罕枝長當夕偏憐少女救一面永爲泉下客

至今珠淚洒千行

輕盈秀色倍人憐買得阿嬌花欲煥種柳纔成人卽去

空餘金屋貯嬋娟

半生幽恨對銀缸遵汝遺言覓妾雙二美花前吟舊句

何當抱子續餘光

小星燦燦二喬芳遺愛猶遵閫教良可惜傾城成永逝

荀郎腰瘦幾圍長

猶子庭前雨露浚空花傷盡嬌慈心撫棺一慟滂沱血

手澤依依殮素衾

姨母恩深寸艸知孤孀和淚作悲詞相憐無計畱青鬢

空說江南淑女奇

翁姑薄宦返他鄉下馬愁深莫絮漿想像承顏供菽水

裙釵猶似出蘭房

堂上諸姑取次行無人諳食語先嘗欲知至性和家室

爭看帷前血淚滂

葛藟陰濃映画樓依依庶母動悲愁長思煮茗連牀語

日向靈帷薦幾甌

有弟兒童書一牀更兼小妹契相將繞庭多少傷心淚

只為生前訓愛長

斜風吹雨上窗紗簾下無人問績麻女使銜恩時飲淚

恩深猶自想香車

永日枯棋三百餘眉頭消得幾迴舒蹉跎東壁塵盈局

落子誰人笑夜除

學弄槩聲星月前鳳凰調逸入雲烟夜淚更和湘妃曲

能辨春風第幾絃

彩筆生描艷更鮮宛同枝上色爭妍欲將白紵騎蝴蝶

擬作春衣趁少年

蕭蕭疎雨落花天南浦朝雲去不還無事篋笥搜錦字

斷腸詩句有遺篇

宛如相對與相憐簡得殘章四五篇阿母教成心力盡

中郎事業倩誰傳

一病三年春復秋支離日夜起生愁東風轉怯羅衣薄

消盡梨花滿院幽

暫驚烽火覓扁舟病骨那禁落日愁
母子相憐江月下恨同秋水共悠悠

携爾蕪陰三月間此離終日泣紅顏
亂中折柳帆無恙漠漠朝雲竟不還

別時握手淚江沅展轉依依不忍分
記得離離頻囑語願將世事等浮雲

八旬王母伴歸舟日暮稱觴強勸酬
倏忽蓮臺歸淨土反教白髮泣高樓

姊妹朱陳好正新不堪弱艸俱爲塵
生憎薄命真如葉瓜瓞徒煩芻絮頻

春風無處不花香步入蟾宮底事茫
竊藥雲中應不返招魂空自賦高唐

盡日逍遙松柏林閑情爲愛白雲淡
怪來幽靜偏相向已作寒泉素石心

自從別後覆金卮憶汝心情時自痴
花落花開無限恨任教滿地濕胭脂

小澗泉聲心事遠烟籠殘雨惜芳菲
生前兒女歡難續誰向樽前試舞衣

蜂屯群寇暗鄉關孤櫬頻移幾處山
殺氣漫漫燐火亂香魂地下亦難閑

經時無夢五更殘怯入蘭幃相對看
啼鳥枝頭罵病起

反教阿母廢加餐

歌殘薤露碎心肝
荏苒風光枕畔寒
猶記汝來同臥榻
海棠沉睡玉闌干

生死從今各一天
相思無路獨聯綿
癯癯雞骨知誰健
欲問藏舟逝水邊

寂寂孤燈獨倚門
三春桃李苦無言
不知死後相思淚
他日何人弔我魂

東風吹落一枝繁
芳艸萋萋曉露溥
二十八年成萬古
餘生竟作槿花看

戊秋閱皖詞
年姆夫人詩集因抒長歌奉跋

誰持一幅華菁絹
掃作千林千花碧
崑草垂芳釣錦川

煙雲橫分白馬跡
皖桐秀飛武夷城
百花潭水舞春英

香風動一簇雲日
遙築蘭房玉樹星
古有錦繖能武女

亦有娜嬛萬書掌
何人繫月舒長嘯
杏滿香巖竹林響

翠黛光搖寶鏡臺
遊龍舞鳳接天迴
春風處處輕烟見

萬斛天香拂袖開
試把石文雙虬裂
空中乍逐浮塵滅

彩艷恍如赤城霞
素質皎若天山雪
只言檀藥若萬竿

清風瑟瑟動庭蘭
玉骨金枝開曉道
奇峰靜起翠山寒

林下香分画閣梅
樓頭點點金堤柳
梅為調羹柳染衣

香艷俱出德人手
我披此卷心顏一
時重坐雲霞間

恍如身到琉璃界

王文垣又似桃源突叢裏

紅綠相繆不知處

女中英九朶芙蓉秀亭亭

簪纓能作簪纓德十二金釵世德稱相夫子今朝

帝京公子公姓麟趾鳴兼以詩書破綺羅能令父子應

文名此時安得介春酒遙望九蓮醉山首好將紫色凌

雲筆耀君夢錦比龍斗

中秋桃源年姪婦何荆蔣秉雍敬書於烟鬟閨中月下

跋

少隨家大人授柳絮詩話以爲紫斂丹滋今難爲躡矣
迨從姑夫人讀濠梁驛中三詩始知大士瑟箏豈特絲
藕作花也姑夫人言年姆之德性工貌幾欲越玉清以
賞茲秋得誦紉蘭閣詩如玉綴鉛脂瓊腴粉翠恨不能
絳紗請業而小院夢雲尤增蘭想靜言慕之懸於玉鼓
謹付梓人惟稱月號戊辰春正蔣秉雍敬題烟鬟閨中



書

系圖詩集



律